

Phuw i Boliben

Syr Baro Deweł, kerdzia phuw i boliben, jone sys syr jek. Khetanes phuw i boliben sys syr rom i romni, saven sys pandź ćhawore: Kham, Čhon, Jag, Bałwał i Bałwałytko Thuw. Syr line ćhawe te barioł line maškir peste butedyr pes te ćsingardeł. Łengre dada Boliben i Phuw kerde baredyr śteto i phande dre łesty peskre ćhavoren. But holinekre terne kamenys te odydział peskre datyr i dadestyr. I dzia sare gene te ławyr śteto. Boliben i Phuv pałe zgene pes khetane, ne dawa na udełys pe łengre ćhaworengi bo śteto łen na sys. Kerdzia pe baredyr holine maškair łendyr. Čhon napeja pe Phuw - peskre datyr bo kamełys ła te odyrdeł Bolibnatyr. Ne łes na isys but zor. Adzia kokores kerde ławyr ćhave Jag i Thuw Bałwałytko. Ne jone napene pe Boliben- peskre dadestyr. Ne łen teź sys za kuty zor kaj te odkhareł Boliben Phuwjatyr. Te do korkoro ciro Bałwał peskre zoriasa odreskirdzia Phuw Bolibnatyr. Ne pał nabut ciro ćhawe pałe line pe te ćsingardeł maškir pestyr kon isysy te jaweł kaj. Phuw phendzia kaj Kham, Čhon i Bałwał odydziana ke peskro dad bo pe łatyr napene a paś łatyr ćsieła Bałwałytko Thuw i Jag. Pał dawa phuw i Boliben sy dur pestyr a łengre ćhawore celo ciro sy dre ćsingard.

Romano ćsib

Jekhtar Baro Deweł zgeja pe phuw kaj te deł manusienge soś łaćsio. Obgeja Bułgaren, Turken i jawia ke Roma - so dykcja? Dykheł sy peske kokoro jek phuro Rom, kaj terdo wurdenesa a gił wurden wphando osło. Deweł porakirdzia Romesa i dodzindzia pe, kaj nani nikon pał dawa kaj sare Roma sys bokhałe i gene te hał mury dre weś. Syr siundzia dawa Deweł lija dyja phureske alfabeto, sawo sys naćsindo pe jarmitko patryń i phendzia kaj phuro Rom te rakheł łes syr jak dre siero, pał dowa kaj terne Roma sy te syklon syr te ćsineł i te deł apre. Phuro Rom garudzia dowa so łeske Deweł dyja, bećcia pe wurden i tradyja dre weś. Syr jawja ke peskre manusa lija zabładzia alfabeto sawo sys naćsindo pe jarmitko patryń pe kaśt a peskre osłos mekcja pe ciar. Kokoro geja soś te przehał. Ne osło syr dykcja kaj Romes nani, lija shaja jarmitko patryń romane alfabetosa. Pał dawa Roma but bersia na dzinenys te deł apre i te ćsineł a i kana phares jamenge dawa dział.